

von Wulf Wager

Danz mol wieder!



"Oh, Mensch lerne tanzen, sonst wissen die Engel im Himmel nichts mit Dir anzufagen", so hot des dr Heilige Auguschtinus amol gsait. Wann hend Sia denn s' letschte Mol so richtig schee zu ra guada Musig danzt? Scho lang her? No kennat se jetzt bei Ihrer Frau Punkte macha. I lad Sia nämlich händslich ei zoma Danzvergniaga, des Se so no nia erlebt hend.

Am Samschdag, 20. Mai spiel i mit meira Spundlochmusig ond mit meine Stäffelesgeiger zom zwoita Mol zom WIRTS-
HAUSDANZ em Gasthof Hirsch en Neckarhaus auf. Om Achte goht's los. I dät me wirklich freia, wenn Sia kommat dädat. Karta geit's per E-Mail an info@spundlochmusig.de oder unter 07127/9315807 ond vielleicht au no an dr Abendkass'. Letscht Mol war allerdings ausverkauft.

Aufgespielt werdat alte schwäbische Danzweisa wia Rheinländer, Schottisch ond Ländler, dia dr Ähne durch d' Zähluck' pfiiffa hot, wonr d' Ahna auf da Danzboda gfiehr hot, ond dia mr noch oimol a'gucka glei mitdanza ka. Boide Musikkapella gherat zom Beschta, was die traditionelle Volxmusig em Ländle zom bieta hot. Was dia Musikanta aufspielat, des goht en 's Ohr ond en d' Fiaß – ond macht oifach Spaß! Mr ka nadierlich au komma ond oifach bloß zuhorcha. De'scht au a Vrgniaga!

Also, kommat zom Zulosa oder zom Danza, aber am Beschta zu boidem. Ond guat Veschpra ond Trenka ka mr au, denn dr Hirschwirt isch a reacht's Käpsele, wo sei Sach vrstoht.

I dät meh arg freia, wemmr ons seha dädat.

Bis näggschd Woch

Ihr

Wulf Wager